



59338


III

Mag. St. Dr.

*Bartoszewski Ferdinandi. Philosophia rationalis.*



Biblioteka Jagiellońska



stdr0000270









59338  
III





Illustrissimo, & Reuerendissimo Dño,  
**D. NICOLAO**  
**O B O R S K I,**  
DEI, & Apostolicæ Sedis Gratiâ,  
**EPISCOPO LAODICENSI,**  
**SUFFRAGANEO, SCHOLASTICO,**  
& in Spiritualibus VICARIO, & OFFICIALI  
GENERALI CRACOVIENSI,  
Domino, & Patrono Munificentissimo.

**C**ultissimarum in Orbe Sarmatico literarum, ea licet sit felicitas  
& gloria, quod eruditiores & sublimiores æstimentur, si tuo ILLUSTRIS-  
SIME & REVERENDISSIME PRÆSUL, cele-  
berrimo insignita Nomine, publicum veniant in conspectum: im-  
perfecta tamen, & minus exacta hac, Philosophicarum Conclu-  
sionum structura, veretur, metuitq., ad tanti Nominis amplitudinem accedere; nè  
splendore illius citius absorbeatur; quam publica luci innotescat. Et profectò, iusta  
hac, debitaq., formido est, cum prerogatiua magnitudinis tuæ ea sit; ut ad eam ce-  
lebrandam, maxima quidem ingenia accurrant, sed impari ausu fatigata, sapius  
cum viribus suis, grauiori Censuræ obijciantur; quam Sacrorum in Ecclesia DEI  
operum tuorum æternitati, aliquid adijciant; adeo, ut certior sit, in magnum Nomen  
Tuum, reuerentia & pietas; quam inconditus calami stylus. Si tamen ab hoc No-  
mine absorberi, confundiq., gloriosum est, in cuius magno sinu gloria literato opere  
elaborata, securè semper quieuit, imò, in quo digniorem valoris sui censum, inuenit,  
pronus ego ac venerabundus, in Sapientissimo pectore tuo, Philosophicas has concer-  
tationes depono. A sacro enim Nomine Tuo pondus suum, & gratiam accipient,  
cum ex eo fonte promanarint, qui gratiarum tuarum magnitudine, toties corona-  
tus,



tus, calitūs Te sibi datum veneratur; ex quo, in Celeberrimam hanc Sapientia Ma-  
 trem, Vniuersitatem Cracouiensem, literasq. eius Academicas, ingens patrociniū,  
 assiduū conseruationis eius studiū, maximo, effusq. semper affectu, profuit. I-  
 pla certē Diuini operis Tui amplitudo, & excellentia; quā D. JOANNEM  
 CANTIUM, Vniuersitatis Cracouiensis Patriarcham, & Regni Patronum,  
 propē iam ad Sacra Apotheosis Coronam sublimasti, summū tuū in res Academicas  
 affectū, maximumq. patrociniū loquitur. Quando singulari tua prudentia, &  
 incomparabili labore, hoc perfecisti; ut quam pridem expectabat, inter Beatos Con-  
 fessores desideratissimā cooptationem, tua insigni autoritate, & opera, à S. Sede  
 Apostolica reciperet. Prouexisti hoc in opere, Academiam Cracouiensem, ad Sacrum  
 gloria verticem, gentibusq. etiam exteris ostendisti, eam non magis literarum, quā  
 omnis Sanctimonie esse Parentem; sed & aeternū hoc in te eius obsequiū firma-  
 sti; ut omnia eius ingenia, quae bono publico fouet, quidquid in literis possunt totū  
 id honori Tuo, & amantissimo in se pectori impendant. Sed venit huc Minimus quo-  
 que Ordo Noster, cuius Beatissimū DEI Seruū MICHAELM GIEDROG in pu-  
 blicam venerationem, dum illustrius produxisset, OBORSIANA Pietas declarauit  
 profectō, Ordinem nostrum, & Conseruationem suam, rebus in arduis Tibi debere,  
 & refflorescentem eius gloriam, tuo candidissimo cedere Lilio. Cuius odoriferis ac  
 beneficentissimis gratijs animatus, tuo sub patrociniū viuere, augeri, & instituti sui  
 sacras regulas tueri, desiderat. Iam proinde exiguam hanc philosophicā disceptatio-  
 nis opellam, per mitte tuo Magno Nomine, ILLUSTRISIME & REVEREN-  
 DISSIME PRÆSUL insigniri. Eant interim Tibi aeterea vitæ sæcula, summamq.  
 hanc Ecclesia DEI, in tuo Nomine gloriam, magnamq. Academia Cracouiensis, &  
 Sacri Ordinis mei, felicitatem, amplissimis honorum incrementis, in tua Præsulea  
 dignitate prouectam, boni superi, diuturnam esse velint; ut qui ad immortalitatem,  
 aliorum gloriam efformas, ipse inter triumphales Ecclesie DEI Coronas, aeternū  
 perennes.

Illustrissimæ & Reuerendissimæ  
 Dominationis Vestræ,

Seruus Humilimus,

FR. FERDINANDVS BARTOSZEWSKI,  
 Ord: Can: Regul: BB. MM. de Pœnitentia.





# CONCLUSIONES EX VNIVERSA PHILOSOPHIA RATIONALI.

## I.



**D**ari Logicam, ipsa quotidiana vnus ex altero inferendi experientia, euidenter docet. Quæ in omni sua latitudine accepta diuiditur in Docentem & Vttem: Ità, vt isti duo habitus inter se realiter non distinguantur; Sed sint duo officia eiusdem habitus. Et Docens quidem est verè Scientia; vtens autem nonnisi in obliquo, ambæ tamen constituunt, vnā Philosophiæ subiectiuā partem.

## II.

**S**ufficienter illius dignitas ex eo cognoscitur, quod ità sit Scientia speculatiua; vt nulla ratione possit esse practica, nec simul speculatiua & Practica. Ideo quia habitus practicus, non ex quacunque relatione, ad opus & praxim, sed ex natura sua ordinatur. Nec qui producit effectiuè actionem, sed qui effectiuè producit opus ipsum alterius potentia ab intellectu, quod à speculatione distinguitur.

## III.

**Q**uia sine artificiali Logica cæteræ Scientiæ nec comparari, nec conseruari possunt; ideò in illis comparandis, Logica est maxima necessitas. Vnde homini est necessaria formali necessitate; habet enim ad illius acquisitionem, inclinationem naturalem. Hæc verò necessitas illius, magis ad speculatiuas, quam Practicas requiritur Scientias.

## IV.

**N**ec operationes mentis, aut ex illis aliquid conflatum, nec res absolute sumptæ, aut vt subsunt secundis intentionibus, nec Ens rationis restrictum ad argumentationem, Demonstrationem, & modum sciendi ac differendi; sed Ens rationis vt positium, & vt consequitur cognitionem intellectus, est obiectum formale Logica, ideoque secundum vnitatem & formalitatem obiecti, est vna specie.

## V.

**C**ognitio Entis rationis, proximum, & directio intellectus nè erret in Conclusionibus, remotum, induit Logica Docentis finem. Vtens verò proximus finis est, constructio Definitionis, Diuisionis, & Argumentationis. Sicut & remotus, est cognitio illorum, quæ per ista instrumenta, haberi possunt.

## A

## VI. Ens



## VI.

**E**ns rationis Logicum, condistinctum à reali datur. cui etsi non sit essentialiale sed accidentarium fingi; attamen hoc illi necessario conuenit. Et ideo Ens rationis est id, quod consequitur rem ut est obiectiue in intellectu. Beneq; diuiditur, quatenus habet fundamentum in re, in Priuationem, Negationem, & Relationem. Actio intelligendi, locutio interior, seu verbum mentis, non sunt entia rationis, sed entia realia: sicut nec aliquid conceptum ut existens, tunc, dum non existit, possibile tamen est ut existat à parte rei, est ens rationis. Hoc Ens rationis non consistit in denominatione extrinseca, sed in quadam entitate Metaphorica, resultante in obiecto cognito. Et cognoscitur per speciem suam expressam, existitque per similitudinem quandam tunc, dum terminat cognitionem intellectus, illud ad modum entis realis cognoscentis. Nulla sensitua potentia tam interior quàm exterior, præter intellectum, potest illud formare, imò ita illud format humanus intellectus; ut hoc nequaquam Diuino, aut Angelico intellectui conueniat.

## VII.

**V**niuersale materialiter sumptum, hoc est natura Communis, datur à parte rei in singularibus; separatim tamen ab illis non datur. Causa eius materialis, est natura realis in essendo & prædicando. Formalis verò, est secunda notio obiectiua, quæ est in natura per modum aptitudinis in multis inferioribus essendi & prædicandi de illis. Et tale vniuersale non est vox aut conceptus mentis, sed id, quod per vocem & conceptum denotatur.

## VIII.

**N**aturæ vniuersales non distinguuntur à suis singularibus distinctione ex natura rei, sed distinctione virtuali, seu rationis ratiocinata. Vnde, & gradus Metaphysici sola ratione ratiocinata distinguuntur. Et ideo peremptis singularibus, vniuersalia pereunt & quò ad essentiam, & quò ad existentiam; manent tamen, quò ad veritatem Propositionis. Porro hæ naturæ vniuersales, non sunt vniuersales positiue; sed tamen negatiue.

## IX.

**D**atur Vnitas formalis à parte rei, ante operationem intellectus. illa tamen quantum ad realem entitatem, non est Communis positiue; sed tantum negatiue pluribus indiuiduis. vnde natura Communis, antequàm existat in singularibus nullam habet actu unitatem. Et licet vnitas formalis sit minor numerica, attamen vnitas formalis nec distinguitur realiter ab unitate numerica, nec formaliter ex natura rei, sed solum ratione ratiocinata. Multiplicatur verò vnitas formalis, ad multiplicationem unitatis numericæ.

## X.

**V**niuersale Metaphysicum, fit per actum absolutum intellectus nostri, abstrahentem Naturam ab inferioribus, tam abstractione positiua, quam negatiua. Vniuersale verò Logicum, fit per actum intellectus nostri simplicem comparatiuum. Et istius adæquata Proprietas est prædicabilitas, reque diuiditur in quinque; Prædicabilia, quatenusq; tantum sumitur formaliter, est Genus ad illa.



# XI.

**G**enus rectè secundum Porphyrium definitur, quod sit id, quod prædicatur de pluribus specie differentibus, in eo quod quid est; illiusque definitum est intentio secunda, ut connotat naturam. Licet verò acceptum logicè ut est vniuersale, non possit conseruari in vnica specie, de qua prædicatur, non ut pars sed ut totum; sumptum tamen ut est totum actuale, bene saluatur in vnica specie.

# XII.

**R**elationes generis ad species & indiuidua, diuersæ sunt speciei: ordine enim intentionis, prius respicit indiuidua quam Species, ordine verò Executionis, prius species quam indiuidua. Sumitur autem Genus in substantiis materialibus, a materia, & differentia a forma: in immaterialibus verò, Genus & Differentia sumuntur à tota essentia.

# XIII.

**B**enè est definita Species à Porphyrio, & constituitur in esse vniuersalis; non per relationem subiocabilitatis; sed per respectum ad plura, & prædicabilitatem. Diuiditur in Prædicabilem & Subiocabilem. Relatio tamen subiocabilitatis in specie essentialiter distinguitur, à relatione, prædicabilitatis.

# XIV.

**N**on repugnat naturam Angelicam, secundum quod à nobis pro hoc statu ad modum rerum corporearum cognoscitur, posse esse speciem prædicabilem. Nihilominus quidditatiuè, non potest cognosci ut vniuersalis. Et ideo species Logicè considerata, non potest conseruari in vnico indiuiduo, bene tamen conseruatur Metaphysicè sumpta.

# XV.

**I**ndiuiduum primò intentionaliter acceptum, est id, cuius omnes proprietates simul sumptæ, alteri conuenire non possunt. Secundò intentionaliter verò est id, quod de vno solo prædicatur, cuius differentia non est de essentia indiuidui, sed tantum de complemento eius.

# XVI.

**D**ifferentia est id, quod prædicatur de pluribus, & differentibus Specie in eo quod quale quid est, rectèque diuiditur in Communem, Propriam, & Maxime propriam; estque vniuersalis, non in ordine ad speciem, sed in ordine ad indiuidua speciei. Et differentie superiores, non includuntur in differentiis infimis, attamen differentie inferiores sunt perfectiores superioribus.

# XVII.

**P**roprium constituitur in ratione quarti prædicabilis, per ordinem ad indiuidua speciei, benèque definitur quod sit id, quod prædicatur de pluribus differentibus numero in quale accidentale inseparabiliter conuertibiliter. Sicut & accidens est id, quod abest & adest sine subiecti corruptione: estque aliud Separabile, & aliud Inseparabile; rectèque constituitur in ratione Vniuersalis per respectum ad subiecta, ex quorum existentie destructione, non destruitur Vniuersalitas eius, prædicatur enim de subiectis non tantum existentibus, sed & possibilibus.

# XVIII.



## XVIII.

**V**Niuoca dicuntur, quorum nomen est Commune, ratio vero substantiæ nomini eadem accommodata. Æquiuoca quorum nomen est Commune, ratio verò substantiæ nomini diuersa accommodata. Denominatiua verò, quæ à casu aliquo habent nominis appellationem. Analoga quoque sunt ea, quorum nomen est Commune, ratio verò nomini accommodata partim eadem, partim diuersa. suntque alia Proportionis, alia Attributionis, alia transcendentia, alia non transcendentia; cum quibus Regulæ & Diuisiones bene à Philosopho assignantur.

## XIX.

**P**rædicamenta sunt, Coordinationes quidditatiuæ generum & specierum, suntque tantum decem, inter quæ intercedit distinctio realis. Sed transcendentia, qualia sunt Ens, vnum, bonum, res, aliquid, nullum constituunt Prædicamentum.

## XX.

**S**ubstantia primum inter Prædicamenta tenet locum, & ratio illius formalis Constitutiua, est esse per se, estque alia prima, alia secunda. Proprietates eius sunt sex. Et in hoc Prædicamento intelligentiæ collocantur; sed **DEVS** nec per se, nec reductiuè ponitur.

## XXI.

**Q**uantitas est accidens extrinsecum substantiæ in se, & ideo ratio eius formalis consistit in extensione partium quò, ad se. Estque alia Continua, cuius species sunt linea, superficies, & Corpus. Et alia Discreta, cuius species sunt numerus, & oratio. Corporea verò Substantia, non habet partes integrantes sine Quantitatè, cuius sunt tres Proprietates.

## XXII.

**R**elatio Prædicamentalis est Ens reale, nihilque aliud est, nisi cuius totum suum esse, est ad aliud se habere. Et ideo in rebus creatis, Relationes dari omnino necesse est; omnesque relationes, quæ non sunt reales, hinc remouentur, imò & relationes Diuinæ. Fundamenta eius sunt tria scilicet; vnitas & numerus, Actio & Passio, Mensura & Mensurabile. Conditiones verò quatuor. Subiectum reale, Fundamentum Proximum, reale, Terminus realis, & inter ista, distinctio realis. Terminatur verò ad aliquid relatiuum, sumitque distinctionem realem, à fundamento & termino, secundum rationes fundandi, formaliter radicaliter & Causaliter; & habet quinque Proprietates.

## XXIII.

**Q**ualitas est accidens, quo substantia, siue subiectum determinatur. & qualificatur. Vnde ratio eius formalis consistit in eo, quod est dispositio rei, seu adiacens Substantiæ determinatio. Species eius sunt quatuor, videlicet: Habitus & Dispositio, Naturalis Potentia & Impotentia, Passio & Passibilis Qualitas, Forma & Figura: habetque proprietates quatuor.

## XXIV.

**S**ex vltima Prædicamenta, sunt modi seu formæ quædam intrinsecæ, relictæ in subiecto, ex aliqua adiacentia rei extrinsecæ. Et ideo Actio est Forma se-



ma, secundum quam, in id quod subiicitur, agere dicimur. Passio est actualis receptio termini, seu est actus secundus potentiae passivae. Vnde impossibile est dari actionem Creatam, quae non habeat subiectum cui inhaereat. Ubi significat realem praesentiam, per quam aliquid dicitur esse praesens loco. Quando, est duratio rerum intrinseca, & persistencia. Situs dicit ordinem, & dispositionem partium in ordine ad locum. Habitus vero dicit illud, ratione cuius res dicuntur induta.

XXV.

Postpradicamenta, conducunt ad cognitionem sufficientem pradicamentorum a posteriori. Et numerantur haec, scilicet: Oppositio quae est distinctio inter ea, quae sibi opponuntur, estque alia Relatiua, Priuatiua, Contraria, & alia Contradictoria. Prius, cuius naturam quinque modi constituent. Modus, qui est in triplici diuisione. Motus, cuius sex sunt rationes. Et habere, quod septem habet proprias formalitates.

XXVI.

Signum vniuersaliter sumptum aliud est formale, & aliud instrumentale. Oratio non enuntiatiua est illa, quae nihil, & Enuntiatiua quae aliquid asseruat. Propositio est illa, quae significat verum vel falsum, estque alia affirmatiua, & alia negatiua.

XXVII.

Licet in Propositionibus contradictoriis singularibus de futuro contingenti, neutra sit determinate vera vel falsa, probabile tamen est, illas habere nonnunquam veritatem, aut falsitatem, sed contingentem. Discursus essentialiter consistit in iudicio Consequentis, simul & Consequentiae, & ideo partes eius sunt argumentatio, & Consequentia.

XXVIII.

Scientia, est habitus mentis verus, certus, & euidens, per Demonstrationem acquisitus, estque alia subalternans, & alia subalternata, de cuius essentia, est euidencia, & certitudo intrinseca, ideoque dicit quid distinctum ab Opinione, Fide, Solertia, & Intelligentia.

XXIX.

Syllogismi principia alia sunt materialia, & alia regulatiua, & formalia. Et ex mutatione terminorum tres habet Propositiones. Demonstratio est Syllogismus scientialis, procedens ex veris, primis, immediatis, & notioribus. Alia autem est Demonstratio propter Quid, & alia Quia. Ideoque omnis disciplina discursiua fit ex praexistenti Cognitione.

XXX.

Non sunt eiusdem in euidencia Dignitatis, etiamsi verè sint Syllogismi, & iuxta veras definitiones, suis non careant Pradicatis, nimirum Syllogismus Topicus, & Sophisticus.

Soli DEO Honor & gloria, Virgini Immaculatè Conceptae,  
Diuis Indigetibus, veneratio perennis.





PERMISSU

*Magnifici, Perillustri, & Reuerendissimi Domini,*

**D. I A C O B I**  
**B A L T A Z A R O W I C,**  
S. Th. Professoris, Collegæ Maioris, Ec-  
clesiarum Cathedralis Cracouiensis Ca-  
nonici, Collegiatae SS. Omnium Præpositi,  
Curati Prosouicensis, Contubernij Staringeliani  
Prouisoris, Studij Almae Uniuerſitatis Cracoui-  
ensis Generalis & Vigilantissimi

**R E C T O R I S.**



---

CRACOVIAE, Typis VNIVERSITATIS.



C,  
Ec-  
Ca-  
fiti,  
liani  
ni-

S.

M  
ligol

104

11.2



